



Efnahags- og viðskiptanefnd Alþingis  
Nefndasvið Alþingis  
Austurstræti 8-10,  
150 Reykjavík

*Alþingi*  
*Erindi nr. P 127/776*  
*komudagur 19. 2. 2002*

Reykjavík 15. febrúar 2002

Alpýðusambandi Íslands hefur borist til umsagnar frumvarp til laga um breytingar á lögum um virðisaukaskatt, 315. mál

Með frumvarpi þessu eru lagðar til breytingar á lögum nr. 50/1988, um virðisaukaskatt sem flestar lúta að framkvæmd laganna.

ASÍ gerir ekki athugasemdir við frumvarpið en fagnar því að til stendur að hraða afgreiðsluferli vegna endurgreiðslu virðisaukaskatts vegna vinnu manna við endurbætur eða viðhald íbúðarhúsnæðis.

ASÍ áskilur sér allan rétt til þess að koma síðar á framfæri athugasemdum við frumvarpið, gefist tilefni til þess.

Virðingarfyllst,  
f.h. Alpýðusambands Íslands

*Rannveig Sigurðardóttir*  
Rannveig Sigurðardóttir,  
hagfræðingur ASÍ.

## Minnisblað

### Efni:

**Til: Efnahags- og viðskiptanefndar.**

**Frá: Tekju- og lagaskrifstofu.**

---

Við umfjöllun um frumvarp til laga um breyting á virðisaukaskattslögum, nr. 50/1998, var á fundi nefndarinnar föstudaginn 22. febrúar 2002 óskað eftir upplýsingum, í tengslum við umsögn Fjölskylduráðs, hvað það kostaði að afnema virðisaukaskatt af vöruflokkunum bréfbleiur, barnabílstólar, barnavagnar og kerrur. Í kjölfar fundarins var leitað til tollstjórans í Reykjavík til að fá upplýsingar varðandi þessa vöruflokka og eru þær hjálagðar.

Yfirlitið er unnið úr Tollakerfinu, sem geymir upplýsingar úr aðflutningsskýrslum. Ekki er hægt að ábyrgjast að tollflokkun og aðrar upplýsingar frá innflytjendum á aðflutnings-skýrslunum séu fullkomlega réttar.

Það skal áréttað að í tollskrárnúmer 9401-2009 fara ýmis konar sæti í ökutæki þ.m.t. barnabílstólar. Ekki reyndist unnt að sundurgreina hvað væri vegna barnabílstóla og hvað vegna annarra sæta. Á listanum yfir innflutning í þessu númeri voru verulegar fjárhæðir vegna bíóstóla og voru þær tölur teknar út úr yfirlitinu.

48184001 Barnableiur og laust bleiufóður  
87150000 Barnavagnar og hlutar til þeirra  
94012009 Önnur (sæti)

| Tollskr.nr | Tollverð    | Vsk        |
|------------|-------------|------------|
| 48184001   | 274.366.644 | 67.224.391 |
| 87150000   | 48.287.311  | 12.052.003 |
| 94012009   | 34.818.959  | 8.561.243  |

Samtals VSK 87.837.637 kr.

Innflutningur árið 2001á ýmsum varningi fyrir börn

| <b>Vörulýsing</b>                              | <b>Tollskr.nr</b> | <b>Tollverð</b> |
|------------------------------------------------|-------------------|-----------------|
| barnamatur, t.a.m. barnapurrmjólk              | 19011000          | 56.300.820      |
| Jafnblandaðar matjurtir f. börn/sjúklinga      | 20051000          | 3.013.860       |
| Jafnblönduð framl. f. börn/sjúkl.              | 20071000          | 30.197.180      |
| Jafnbl. samsett matvæli f. börn/sjúkl.         | 21042002          | 1.797.150       |
| Jafnbl. samsett matvæli f. börn/sjúkl.         | 21042003          | 106.834         |
| Jafnbl. samsett matvæli f. börn/sjúkl.         | 21042009          | 755.594         |
| Efni til framl. á drykkjarvörum f. börn/sjúkl. | 21069024          | 19.708.993      |
| Barnableiur                                    | 48184001          | 274.366.644     |
| Barnavagnar                                    | 87150000          | 48.287.311      |
| Önnur sæti                                     | 94012009          | 34.818.959      |

Um jafnblönduð matvæli sjá aths. við undirliði í 20 og 21.k. tollskrár

| A Tollur | XA-vörugj. | Vsk        |              |
|----------|------------|------------|--------------|
|          |            | 7.882.119  |              |
|          |            | 421.943    |              |
|          | 439.530    | 4.289.137  |              |
| 305.500  |            | 294.370    |              |
| 2.184    |            | 15.262     |              |
| 23.328   |            | 109.050    |              |
|          |            | 2.759.261  |              |
| 18.621   |            | 67.224.391 |              |
| 900.757  |            | 12.052.003 |              |
| 124.875  |            | 8.561.243  | Leiðr. tölur |


Alþingi  
Efnahags- og viðskiptanefnd  
150 Reykjavík.

Vísað er til bréfs efnahags- og viðskiptanefndar Alþingis, dags. 5. febrúar 2002, þar sem Fjölskylduráði er sent til umsagnar frumvarp til laga um virðisaukaskatt, niðurfellingu gjalda, endurgreiðslur o.fl.

Fjölskylduráði sýnist að athuguðu máli ekki tilefni til að álíta að frumvarpið hafi áhrif á afkomu fjölskyldna í landinu og því ekki tilefni til athugasemda af hálfu ráðsins við frumvarpið í núverandi mynd.

Fjölskylduráð hefur áður vakið athygli efnahags- og viðskiptanefndar á mikilvægi þess að stjórnvöld láti sig sérstaklega varða velferð barnafjölskyldna og komi til mótis við sérþarfir þeirra. Því vill ráðið nota tækifærið og benda á að hér á landi er virðisaukaskattur 14% á þurrmjólkurdufti og ungbarnamat (mauki, grautum o.þ.h.) og 24,5% á bréfbleiur, barnabílstólum og barnavögnum og kerrum. Það væri mikil bót að því fyrir foreldra ungra barna að virðisaukaskattur væri afnuminn af þessum vöruflokkum, eins og gert hefur verið víða í nágrannalöndum okkar.

Reykjavík 21. febrúar 2002



Fjölskylduráð  
Borgartúni 21, 105 Reykjavík  
sími 530 2609, netfang fjolskyldurad@bvs.is

DAGSETNING

TILVÍSUN



Alþingi, nefndarsvið  
Austurstræti 8  
150 REYKJAVÍK

Reykjavík 21. febrúar 2002

2002020134  
G-ums 8/01**Umsögn um 315. mál - frumvarp til laga um breytingar á lögum um virðisaukaskatt**

Frumvarp þetta er borið upp af fjármálaráðherra. Að undirbúningi þess stóð ráðuneyti hans sem hafði m.a. samráð við ríkisskattstjóra um efni þess. Frá því frumvarpið var lagt fram á Alþingi hafa einstaka efnisatriði þess sætt frekari skoðun í fjármálaráðuneytinu í samvinnu við embætti ríkisskattstjóra.

Í ljósi framangreinds leyfir ríkisskattstjóri sér að vísa til framkominna ábendinga ráðuneytisins til háttvirtrar efnhags- og viðskiptanefndar.

Virðingarfyllst  
f. h. ríkisskattstjóra  
Ingibjörg Ingvadóttir  
Sigurjón Högnason



ALÞINGI ÍSLENDINGA  
Efnahags- og viðskiptanefnd,  
Austurstræti 8 – 10,

SKATTRANNSÓKNARSTJÓRI  
RÍKISINS

150 REYKJAVÍK

TILVÍSUN

DAGSETNING

SEB/eeg/02/0523

14.02.2002

**Efni: Umsögn skattrannsóknarstjóra ríkisins vegna frumvarps til laga um breytingu á lögum um virðisaukaskatt, 315. mál.**

Skattrannsóknarstjóra ríkisins hefur borist bréf Efnahags- og viðskiptanefndar Alþingis dags. 5. febrúar 2002 þar sem óskað er eftir umsögn skattrannsóknarstjóra ríkisins varðandi frumvarp til laga um breytingu á lögum um virðisaukaskatt, 315. mál. Af því tilefni er Efnahags- og viðskiptanefnd Alþingis látin í té svohljóðandi:

**u m s ö g n :**

Frumvarp þetta má að hluta til rekja til úttektar á framkvæmd virðisaukaskatts sem fjármálaráðherra stóð fyrir á árunum 1999-2000 og gerð var grein fyrir í álit nefndar sem annaðist það verkefni en téð nefndarálit var gefið út í mars 2000.

Fyrirliggjandi frumvarp er annars vegar ætlað að styrkja framkvæmdina, sbr. einkum 2., 3. og 5. gr. frumvarpsins en hins vegar að auka þjónustu við gjaldendur, sbr. 4. gr. frumvarpsins auk nýs viðauka um vörur til manneldis.

Með ákvæðum þessum er m.a. verið að kveða á um atriði sem ekki hafa verið nægjanlega skýr í framkvæmdinni og frumvarpið mun bæta þar úr og einnig að auka rétt gjaldenda til endurgreiðslna úr ríkissjóði.


Það hefur verið talsvert áberandi hve langan tíma hefur oft á tíðum tekið að fá endurgreiðslu virðisaukaskatts vegna vinnu manna við íbúðarhúsnæði. Forsenda slíkra tafa hafa þó verið þau sjónarmið að innheimtumaður skattsins, seljandi þjónustu, sé búinn að standa skil á virðisaukaskattinum í ríkissjóð, enda þótt réttur til endurgreiðslu sé lagalega óháður skilum þjónustuaðila. Rétt er því að vekja athygli á að með þessari breytingu er farið að endurgreiða virðisaukaskatt sem ekki hefur verið staðið skil á í ríkissjóð. Út af fyrir sig getur slíkt verið réttlæt看legt sérstaklega þegar fyrir liggur að greiðandi þjónustunnar og þar með virðisaukaskattinum, hefur í höndum lögmætan reikning þar sem fram kemur hver sé seljandi þjónustunnar og að reikningurinn hafi verið greiddur. Skattyfirvöld komu á fót á árinu 1995 vélrænu ferli sem ætlað var að tryggja að endurgreiðsla virðisaukaskatt útbyggi sjálfkrafa launamiða á þjónustuaðila. Með því kerfi ætti að vera tryggt að engin hætta skapist þótt endurgreiðsla fari fram áður en skatti er skilað.



Frumvarpinu er ætlað að stytta verulega tíma endurgreiðslubeiðanda vegna viðhalds íbúðarhúsnæðis, þótt ákveðin tímamörk séu ekki sett. Það er raunar það eina sem finna má að frumvarpinu að ekki sé kveðið skýrar á um hámarkstíma fyrir skattstjóra til að afgreiða erindið. Eðlilegra hefði verið að samhliða væri kveðið á um hámarkstíma. Hugsanlega mætti bæta við málslíðinn í b. lið 1. mgr. 4. gr. frumvarpsins, „*Endurgreiðsla vegna vinnu manna við endurbætur eða viðhald skal gerð á grundvelli framlagðra reikninga, eins fljótt og auðið er*“, fyllingarákvæði um hámarkstíma sem skattstjóri hefur til að afgreiða erindið. Það gæti t.d. hljóðað eitthvað á þennan veg: „*þó aldrei síðar en 14 dögum eftir að skattstjóra barst erindið*“.

Skattrannsóknarstjóri ríkisins mælir með samþykkt frumvarpsins.

Virðingarfyllst,

  
Skúli Eggert Þórðarson



Nefndasvið Alþingis  
Austurstræti 8-10  
150 Reykjavík

19. febrúar 2002

**Frumvarp til laga um virðisaukaskatt**  
**Umsögn SVP- Samtaka verslunar og þjónustu**

**I. Inngangur**

SVP- Samtök verslunar og þjónustu hafa fengið til umsagnar Frumvarp til laga um breytingu á lögum um virðisaukaskatt nr. 50/1988 með síðari breytingum.

Samtökin hafa yfirfarið frumvarpið og tekið saman þær athugasemdir sem á eftir fylgja.


**II. Umsögn**

SVP- Samtök verslunar og þjónustu telja efni frumvarpsins jákvætt og gera ekki athugasemdir við það. Varðandi þær vörur sem falla í lægra skattþrep virðisaukaskattsins þá hafa einungis tvær ábendingar borist samtökunum um breytingar, þ.e.a.s. að æskilegt væri að flytja lýsispillur í lægra skattþrepið og sömuleiðis sojamjólk sem ýmsir þurfa að nota í stað kúamjólkur vegna óþols hinnar síðarnefndu. Þetta er nefnt hér til að halda þessu til haga.

SVP- Samtök verslunar og þjónustu þakka fyrir að fá umrætt mál til umsagnar og eru reiðubúin til samráðs eða svara eftir því sem þörf krefur.

Virðingarfyllst,

***SVP- Samtök verslunar og þjónustu***

  
Sigurður Jónsson framkvæmdastjóri

*Alþingi*  
*Erindi nr. P 127/872*  
*komudagur 25. 2. 2002*

**Nefndasvið Alþingis**  
**Efnahags- og viðskiptanefnd**  
**b/t Sigrúnar Brynju Einarsdóttur, nefndarritara**  
**Austurstræti 8 - 10**  
**150 Reykjavík**



Reykjavík, 21. febrúar 2002.

**Efni: Frumvarp um breytingu á lögum um virðisaukaskatt (315. mál).**

Verslunarráð þakkar nefndinni fyrir að fá að veita umsögn um ofangreint frumvarp. Verslunarráð gerir ekki athugasemdir við frumvarpið.

Virðingarfyllst,  
fyrir hönd Verslunarráðs Íslands,

Birgir Ármannsson.

Alþingi  
Erindi nr. P 127/969  
komudagur 4. 3. 2002  
2002



28. febrúar 2002

Nefndasvið Alþingis,  
Þórshamri v/Templarasund,  
150 Reykjavík

Vísað er til beiðni efnahags- og viðskiptanefndar Alþingis dagsett 5. febrúar 2002, þar sem óskað er eftir umsögn um frumvarp til laga um virðisaukaskatt, 315. mál. Hér með fylgir umbeðin umsögn.

Virðingarfyllst,

Þórður Friðjónsson,  
forstjóri

**Umsögn um frumvarp um breytingu á lögum um virðisaukaskatt nr. 50/1988  
með síðari breytingum, 315. mál.**

---

Í ofangreindu frumvarpi eru lagðar til breytingar á lögum um virðisaukaskatt. Breytingarnar lúta meira að formi laganna heldur en efni þeirra. Þær efnisbreytingar sem tilgreindar eru hafa óveruleg áhrif á afkomu ríkissjóðs og þar með takmörkuð efnahagsleg áhrif. Af þeim sökum gerir Þjóðhagsstofnun ekki athugasemdir við þetta frumvarp.